

河南通志總序

皇上御極之六年冬

特命天下督撫諸臣修直省通志送上一統志籍

諭以登載務期至公博慎毋濫仍許展限至三年之久

仰見我

皇上聖明天縱學問日新洞悉制作之精微欲罄諸臣之

能事而臣文鏡承乏河東聞

命兢惶俯慙固陋敢不夙夜祇懼殫思單精以副

聖意先於七年春檄河南各府州縣整輯郡邑志送到

署越明年二月遷始開館置局禮聘名彥焚膏繼晷

鍵戶閉關凡閱期有二月而後成書書成凡八十卷

河南通志總序

敬付剞劂臣文鏡謹拜手稽首而為之敘曰修志之

難尚矣而志河南則更有難焉者何則雍州豐鎬至

周文武始開而冀州之域堯舜禹始相繼都之河南

則肇自義軒事追皇古較他省之開闢獨前千有餘

歲墳索難稽慮多茫昧帝王世本訛盡有徵其難一

也南陽汝寧南北向多備置東荆西豫更迭不常東魏

荆州今南陽府桐柏縣苞信懸瓠稱名數易或始合

梁西豫州今光州息縣而終分或暫置而旋廢南北周齊例闕地志魏隋二

史紀載或殊欲稽往牒以準當今難定紛糾以歸一

是較他省實多訛錯其難二也太河自潼關入河南

流至虞城經五府二十六州流於幾長千有餘

自兩漢汴宋以訖前明之代河患無歲無之

其決溢何方修防何術或王疏而或王壘慮宜古而

不宜今買讓之治河三策準諸今日則疎賈魯之築

斷黃陵垂諸百年實利毋憑耳食以為是非貴酌古

今以求通變蓋較諸淮南北山東受患獨先而隄防

幾遍紀載慮多遺漏其難二也中州自昔為神聖降

生至有宋二程子以道學倡其門人弟子半皆豫產

間有附會假托如邢恕之流者真履雜糅薰蒼判別

延及勝朝更多黨論斷然列之至精慮傳聞之互異

其難四也關山古蹟他省僅足游觀河南備多阨塞

直隸冥阨至今猶設三關及皇虎牢在昔已稱天險

河南通志總序

函關古塞秦漢各易其方武庫教倉隋唐尚仍其舊

本朝設防置戍弭患戢奸欲窮安善之源流須備歷史以

考鑑其難五也而臣等以禮陋之才兼有簿書之冗

懼不勝任昕夕靡遑博訪通經學古之流屬以執簡

懷槩之任先發凡以起例存舊萃以折衷州次部居

經經緯史春秋以前直追元凱康成之注疏秦漢而

後遍考班范諸史之方輿旁及夾漈貴與之書都國

雜裨之志靡不參伍錯綜旁行斜貫總期抉擇之至

當毋或亥豕之貽訛地志倘涉於失載則旁搜紀傳

以求實事之可徵古蹟或至於沉湮則問採歌謠以

志方言之不謬名臣傑士之駿烈必考某事

代與史文符合始不慮謬基之誣陵寢廟之傳
必核某碑勒自何年有斷碑可摹方足訂流傳之
務使四千年來之土俗風二千里地之山川事蹟
如振裘而得領亦撫掌而指螺莫以裨益

馮猷仰塵

睿覽但念臣等管窺未見未繪嵩山浴水之高深惟所
皇上乙夜披陳永撫此玉燭念靡之鞏固云爾

昔

雍正九年歲次辛亥季春朔口

太子太保兵部尚書兼都察院右副都御史總督河
南山東等處地方軍務兼理營田兼理河道加十三

河南通志

總序

三

級紀錄五次臣田文鏡等序

河南通志凡例

一卷首恭編

制弁冕全志我

祖章皇帝開疆奠宇

祖仁皇帝久道化成暨

皇上御極以來飭屬臣工勤求民瘼訓誥煌煌垂示萬世

豫處天下之中地瀆大河時厯

睿慮屢頒

德音與謨炳蔚方駕陶姚夫豈敢循襲舊志而徒登藝文

之冠至歲有續增敬需珥筆

一舊志向有圖考然道里多不相準所列山川或至

河南通志凡例

錯謬今倣元人朱思本畫方計里之法通省及八

府七州圖則每方百里東西南北按里計之分寸

不爽如某山從某處發脈某水從某處發源某處

入某河俱可指掌而得又黃河圖一卷另入河防

內寧詳母畧則每方五里凡修築險冲開墾涵洞

及向來决口築堤設立堡房婦工之處俱一一備

載用細字旁註庶開卷瞭然有富於古人左圖右

史之義云

一郡縣建置古今興廢分併最難清析歷代史書除

史記南北史梁陳北齊後周不立地里志及五代

史職方考略而不詳外其餘所有志書前後史多

有矛盾如金史志武勝軍節度使宋南陽郡鎮

城南陽內鄉三縣而元史則云金舊領五縣謹從

金史蓋金史明註云順陽入穰城為鎮淅水入內

鄉而元史云元初以浙川順陽省入內鄉者非也

晉書南宋書梁陽郡無新鄭而隋書則云後魏廢

謹從隋史蓋晉宋二史或脫略而隋去後魏近所

考當不悞也或從其前或從其後舉此可以類推

一前史與後史志不同而一代之史其地理志亦有

與紀傳脫遺反於他史互見而得之者如晉書載

記內書符不奔東垣將軍馮該自陳遼擊敗之通

鑑綱目並載此事而地理志河南郡下不載東垣

河南通志凡例

之名反見於魏書新安郡註內東垣縣二漢書

河南郡南宋志亦云河南郡晉太康地志有東垣

縣則明係晉志脫遺無疑蓋既徵之本書之載記

又叅之南宋魏二史地名與事合符惜太康志今

不見全本耳又如職官志內後周薛懷慶遜俱為

湖州刺史本書各有傳而魏志於魯陽郡下又不

載湖州之名考魏書高祖紀太和二十二年克齊

湖陽置南襄州治焉後周文帝紀廢帝三年改南

襄為湖州則湖州之為湖陽其改置年代俱有

後周不立志此可考於兩帝本紀而得之者也餘

詳辨疑中凡此等類雖考列史地志及紀傳以

補正史之缺

舊志於歷代郡縣較嘉靖志多有脫遺而開封府陽尤甚如開封府二漢陳留郡刪去小黃外黃河南郡刪去京卷故市苑陵潁川汝南二郡刪去潁陰召陵南頓南陽府二漢南陽郡刪去消陽博山涅陽棘陽西鄂析鄴湖陽博望杜衍紅陽新都等縣宏農潁川二郡刪去丹水析昆陽定陵等縣考之國策史記二漢書確有明據有不待博考而後見者小黃為高帝母昭靈后所葬國策史記有外黃小兒史記始皇三年庶公將卒攻卷東漢建武初宗室劉茂聚眾京密間漢初楚漢相距滎陽京

河南通志

凡例

三

索又樊噲攻苑陵先登灌嬰封潁陰侯今志有灌臺閻澤赤封故市侯春秋齊楚盟召陵東漢光和末黃巾賊敗汝南太守趙謙於召陵朱備追南陽餘賊於西鄂光武父為南頓令此開封府之歷歷可考者也史記秦二世二年沛公攻析酈皆下之引兵西至丹水後漢初劉續敗嚴尤陳茂於消陽自湖陽進拔棘陽又光武姊為湖陽公主本紀光武別將兵徇昆陽定陵酈皆下之高祖封王翳為杜衍侯武帝封張騫為博望侯朝鮮降人路最為涅陽侯成哀時王立為紅陽侯王莽為新野侯孔光為博山侯此南陽府之歷歷可考者也

終戶編童卅卅知而漫從刪削殊為非理其餘

好又不具論矣今謹增入而嘉靖志亦有未盡載

者如漢陳留郡不載濟陽秦三川郡不載外黃開

封於班范紀傳亦屬脫遺謹據各史地志核實備

載不敢略亦不敢漫入也

一考司馬遷史記載禮書樂書班固前漢書載禮樂

志其後或合或分具載國史夫功成制禮治定作

樂所謂範民以敬導民以和特有此具也史載之

志可遺之乎我

朝釐定典章質文並美遵矩矱者蓋天下靡然同風焉

舊志失編禮樂為珥筆者之憾謹補葺為第十卷

河南通志

凡例

四

凡二十條

一秦置三十六郡河南當其八舊志以三川潁川南

陽碭邯鄲南郡上黨河東為八郡

皇輿表有東郡九江而無河東上黨今從

皇輿表為正詳見辨疑中

一黃河遷徙不常從古為患漢初決酸棗決瓠子猶

在今河北之境宋熙寧中分趨東南一合泗入

淮泛溢開歸而患中於豫之全省金大定迄元至

正全河盡入淮而患且移於淮南北矣舊志止一

卷略而不詳今考諸史及歷代河渠志先列古今

黃河道以明全河之原委次列豫省黃河道以誌

修築之險冲次列黃河通塞及五大徙以考歷代
變遷之異次列汴蔡賴澗各道河渠以詳歷代通
運灌田泚水開濬淤塞之由次列河防職官黃河
隄工河兵堡夫堡房以紀

聖天子憂勞百姓發帑置吏綱繆鞏固之至計次列河防
攷以志河流衝決隨地制宜治河名臣弭患善後
之方而終之以河防事宜則古今言治河者莫詳
焉大抵治河言人人殊而要自明萬歷迄今百餘
年來不外於濬季馴所稱固隄東水用水攻沙至
我

聖祖仁皇帝

河南通志 凡例

五

願示逢灣取直之

廟算高出千古大小臣工殫精竭慮著有成效河流底寧

生民永賴故紀載獨詳焉

一河南通志舊無水利一條近奉

旨飭修司道府縣督催辦理具有成規自應特紀以昭二

代制度諸河道詳見河防中者不復贅河防以河

道為綱領水利以溝渠為綱領其灌田之渠第註

明引某水灌某處田洩水之溝第註明歸入某河

懼重複也列古渠於前而著今渠於後其係湖開

及新濬者必分注標明詳始事也雍正五年後州

縣報冊有起止方向寬深長短丈尺者必謹書

以前缺載者仍其舊不敢增損昭實錄也
載有溝渠一道無名色者謹觀其坐落地方即
其名曰某溝匪敢添註慮混詞而無列也循覽州
域可曉然矣

一舊志封建列古先與春秋戰國二條混雜不明以
邯鄲鄒蔣與夏殷諸侯並列時代不同春秋時河
南有四十國未聞戰國時有也東號檜即鄭地胙
之後為南燕國温即為蘇而並載十時殊失考核
且春秋時之魏國在今山西平陸縣梁今陝西郿
陽縣部今山東城武縣芮今山西芮城縣均非河
南地杜註及地里志歷歷可考而舊志列梁魏於

河南通志 凡例

六

封建列部芮於圖表因訛襲舛莫此為甚鄆郟與

唐具載左氏俱在南陽鄧州境載即留今考城縣

而舊志無之今俱逐一訂定列古先封國凡六春

秋以前國凡九春秋時姓氏爵秩可考者凡三十

三戰國韓趙魏楚合春秋時宋衛凡六時代既分

其更遞迭居自不至前後兩載詳辨疑中茲不復

贅

一春秋時晉啓南陽楚亦封畛於汝在今懷慶南陽

汝寧三府之境而不列晉楚於春秋者以二國俱

吞併弱小既列諸小國不得復列晉楚懼龐雜而

不清也晉之封自在山西楚之本封自在湖南

不得以其併之地書之至戰國時豫境諸小國已盡乃始載韓趙魏及楚從其實也

一舊志單載康熙元六等年編審實增人丁數目直

接康熙三十年編審數目便不敷志內所開一百

五十六萬六千七百八十八丁之數查細數實因

遺造康熙十年十五年二十年二十五年四次編

審新增三十三萬七千三百四丁以致不敷今依

次添載方能合數

一康熙五十二年三月十八日奉

聖祖恩詔海宇承平日久戶口日繁州縣徵收錢糧但據康

熙五十年報部丁數為常額數額數之外其餘積

河南通志 九例

七

生人丁永不加賦今於各州縣俱開列明曉以溥

聖朝樂利於無窮云

一舊志於田賦多未清晰且止及府而不及縣今勞

分則壤成賦二項則壤詳上中下地及水旱陂崗

等田科則厚薄之殊成賦詳額徵蠲免關墾及起

運存留支給等項各縣分列而會於府總各府分

列而會於省總庶綱舉目張一覽易曉

一舊志無漕運然衛河自衛輝抵臨清以達通倉為

河南一省漕運所經不可不備載其漢唐隋由汴

入河口達洛渭宋則或由江而淮以達汴或由河

以達汴元六每運初間行陸運明運由會通河

南一省則由衛河俱撮錄於小序中茲不多及
本朝所行本色折色及小灘衛輝水次則詳誌其年月
錄督撫疏稿以志

及我

皇上憂勤愛民之實不敢略也

一歷代官制遞更名同實異同一刺史也晉魏之刺

史加都督將軍而唐之刺史僅同太守同一丞相

御史也秦漢則稱三公而元則每省各置丞相御

史中丞多至數十人唐之節度觀察於事無所不

總權任極重而宋則僅為加銜宋之轉運使則唐

節度使之任而元及有明則專掌鹽課之事內外

河南通志 九例

八

重輕迭為軒輊互有利弊至

聖朝而斟酌盡善矣大抵自秦迄唐內外分任至宋矯遷

鎮之弊全以宋朝官出漚外職元行省行臺則更

用丞相御史明代參半用之每代各列一小序於

前為考其設官之原委及更易之年月某官在前

代為某職或兼攝或專掌冀得展卷瞭然而歷代

遞變之故亦可髣髴得其大概云

一陵墓舊多謠傳最難徵信如成湯陵在偃師縣呂

尚墓在衛輝府城西北而山西榮河縣商王陵載

在祀典陝西咸陽縣東北二十五里有太公望墓

與檀弓反葬於周相合此較有考據今照舊志

載而仍列其可據者於後以示折衷晉杜預墓
偃師又云一在尉氏考晉書預遺令云自表管洛
陽城東首陽之南為將來兆域最為分明志所載
二處俱誤謹從晉書以明畫一俱詳辨疑中又如
漢常山王張耳以大梁人而墓一在開封一在彰
德高密侯鄧禹以南陽新野人而墓一在大康一
在濟源考之本傳俱無明據不能刪一存一則照
舊兩載以示闕疑

一 人物名宦既節錄其傳於各門復於陵墓載碑誌
是為重出乃去碑誌而單載銘語尤屬無謂唐宋
之銘尚備古明人銘語大半蕪蔓冗長今一槩省

河南通志

凡例

九

去以從簡約

一 古蹟務期典實可據如禹州新鄭縣有交印臺志
云鄭武公為鄭士有功錫之印綬築臺受之語甚
俚鄙印綬至秦時始有金印紫綬錄印青綬載在
漢書百官表可考周代止用圭節何緣有交印之
名乎至如信陽州南有劈破山施刀嶺為關壯繆
故蹟尤似小說家所載考三國志本傳壯繆足跡
未嘗至信陽州也凡此等類槩加刪削以從雅馴
一 帝王志舊以梁唐五代俱都開封此未深考耳梁
以宣武篡唐因以汴州為東都至開平十三年仍
遷於洛陽末帝立於大梁唐莊宗入大梁同光元

年十二月復遷都洛陽歷三帝凡十三年晉石敬瑭
入洛陽天福二年復遷都汴載在綱目可考今
俱訂正又隋都長安煬帝仁壽四年遷都洛陽以
洛陽為東京越王侗留守東都嗣位為帝都洛凡
二世合十一年唐武后亦都洛陽舊志不載均屬
疎漏今俱考正史增入詳辨疑中

一名宦人物寧慎毋濫今自

本朝定鼎後悉照報部冊登入以前悉依舊志而舊志
所載宋張商英係惇下之黨蒲宗孟以司馬溫公
為奸邪此等凶類豈宜混入今悉刪去明自正德
以迄天啓亦有黨附閹豎著名史籍者亦不敢漫

河南通志

凡例

十

載用以彰

聖朝直道之公云

一 河南人物彪炳史乘蔚乎盛矣其中如河洛二程
倡明正道學統相承後先輩出則理學宜另編也
漢唐諸儒經明行修羽翼聖籍不愧宏通則儒林
宜另編也龍比以後成仁取義名在汗青光騰河
岳則忠烈宜另編也梁園鄴下風雅所遺舉芳猷
秀垂聲藝林則文苑宜另編也舊志於人物列傳
後止分孝義隱逸各門未盡條析謹據舊傳參以
郡邑志書增編理學儒林忠烈文苑凡四卷
一 舊志藝文至十五卷居全志三分之一止因刪去

山川城池古蹟寺觀後而見詩文者稱一處

卷帙繁重夫山川古蹟列名人詠歌昔賢碑記

以發揮景象詳志原始不為無裨今一槩刪去既

苦寂寥併歸藝文又嫌汙漫是兩失之也今仍分

載各條以便省閱其有佳篇疊出及碑記累幅不

能盡附者則入藝文以成大觀

一藝文首編賦咏兼備眾體彷彿文選之例詔誥制

冊係廊廟詩謨奏疏文移出名臣碩畫箴銘贊頌

皆形容盛德儆戒不虞之語論議雜辯乃折衷理

道考索制度之文均有裨益非同浮藻若記序諸

製中無關政治不及民風累牘連篇殊屬無謂多

河南通志 凡例

從芟雜以省覽觀

一藝文內舊載關壯穆薛曹操書竟是後代人廣作

雜用小說三國演義中故事可削也朱子韓文考

異原用唐書本傳與洪興祖年譜等書互相勘証

志中刪去傳文單錄洪譜則是所駁詰者何事非

特頭緒不清併文理亦不貫矣詳辨疑中今俱增

刪

一譌謬宜考正士雅山係晉祖逃避兵處士雅是祖

逃字而註以為陶侃又如莽母城訛為蔡母城

同城訛為李固城後漢書鍾皓字季明而志

鍾明杜根傳後附載成翊世係平原郡吏

為杜根之子應詹係應璩之孫而志訛為璩

李神傳戶官道戶訛為戶字宋馬知節係幽州

人而志列之祥符金滑州安撫使工政行傳係直

隸志以政當為名馬英係婦人見元史列女傳內

而志列之孝子凡此等類百年來莫之改正今俱

照史考定詳辨疑中

一通志向有辨疑一條率多瑣僻小事而於郡縣之

脫遺山川之錯互都邑之興建廢置關津之遷移

迭改槩不一及僅足洽聞無關大體今就各條上

自商周下訖勝國本諸詩書左氏註疏以探其源

參之歷代史志以盡其變合之夾際貴與諸儒以

河南通志 凡例

究其統會而歸之

聖朝皇輿表以定厥衷焉務使河南二千里經歷四千年

凡古今之紛糾者秩如膠轕者立剖譌謬者訂正

較之舊本為詳備焉

一僻書隱牒例應收採舊志於正史外旁及搜神記

幽怪錄猶可云近古至爾入陰隲文勸善書則鄙

俚甚矣今槩加刪削易以典雅大抵名賢敘述內

可補正史之闕者亦史公所稱其軼時見於他說

也

一雍正十二年

奏請陳州改陳州府許州改許州府開封府屬

溝二縣改屬陳州府禹州并所屬新鄭密縣
屬許州府鄭州并所屬滎陽滎澤河陰
改屬開封府河南府屬盧氏縣改屬陝州南陽府

復設南召縣事關沿革鉅典宜載志乘但奉

旨准行之日已在開雕將竣之時未便悉行毀板重加編

輯因遵史家分限之例不復增入

一志與史相表裏合之則爲一代之史分之則爲各
省之志宜精核不宜繁富宜詳於事實而略於詞
藻事實雖繁而首尾條貫則一見瞭如後陳詞藻
則充棟汗牛無益實用今增職官志十之八凡十
卷河防志十之九凡五卷水利漕運俱增設郵傳

河南通志

凡例

十三

鹽課選舉志俱比舊加詳均有關制度國計民生
之大者其餘如贈送序遊山記及墓銘之類多從
刪削庶幾詳略得宜以佐

聖天子鴻謨於萬一云

右凡例計三十條

題為欽奉

上諭纂修省志成稿謹奉

表上

進者臣等誠惶誠恐稽首頓首

上古伏以

帝德軍敷煥龍馬投圖之域

皇謨丕顯耀卿雲制字之疆

表正天中問俗由於訓俗

風行地上教民適以觀民纂和會之方輿彌形樂利諸

教麗之編戶倍仰薰陶謹繕新函恭呈

河南通志

睿鑒竊惟荆河界豫載在夏書榮洛分州志於周禮嶽有

五而太少二室特立中央瀆有四而淮濟兩條滙源

南北象緯配乎十宿珠貫璧聯苞符啓乎三辰皇翔

帝步迨夫有商作邑北宋建都聲靈赫濯之區文物

衣冠之藪洵稱闕闕亦曰腹心若稽載筆成書尤著

連篇積牘陳留人物魏晉分列規模汴洛圖經郡縣

畫呈形勢風俗通編由應劭夔華錄纂自東京誌曰

河南宋敏求實勤叢記名郡下劉公銳亦見搜羅

蓋自圈稱著者舊以來下逮王傅紀東都而後宋史

深淵源所自裨官貽頌碎之譏跡駁焉例所勿

者義將偏擷欽惟我

呈上

聖由天授

道集大成

至德配乾坤心涵義策

宗猷包河洛福行禹疇

會五星兩曜於淑皆祥開中土

昭萬載一清于黃濱瑞滿豫州蓋此地實聯壤

京畿維斯民尤近光

天子稟中和之性悉由

聖德薰陶驗習俗之醇登荷

皇恩淪浹恭逢

河南通志

泰運永耀坤維敬奉

異申重編豫志蓋自前督臣田文鏡總輯未及開雕計

歷今四載增修謹加纂述首揚

聖制大哉

王言恭弁全編猗歟

盛典禮章樂舞誌明備以協昌期水利河防補闕遺而宣

熙績職官詳列姓名文經武緯續例非繁人物析區

門類道學詞章按班核實此皆不敢沿舊酌入新增

者也至於星野輿圖參考山川而野布城池學校更

兼祠祀以饒陳考成賦于中上之區權輿禹貢採土

風于勤儉之俗根柢周詩官籍鄉評公論本

曰遺文古蹟廣蒐逮洛下春秋以及折蘆渡海一花

五葉之宗風少林尤崇面壁候烝入關玉版金經

與義函谷寶號傳經此皆稍飾曩篇合成今集者

村疎經術學愧史裁起例發凡敢冀有倫有脊集

思廣益務期無黨無偏遵

寶訓以盟心效謨言而稽首伏願

克章彌煥

文德益昭

金鑑幸開秘啟丹文綠字

玉衡在握象起蘭檢芝函如典如策軼光華于三古為

主為泉定準則于四方將見封高紀瑞呼萬歲者時

河南通志 主 聽其三錫浴凝禱方千里者且擴其九矣 臣等無任

瞻

天仰

聖激切屏營之至謹奉

表隨

進以

聞

聖幸 臣等無任瞻仰之至謹奉表隨進以聞

總裁

太子太保兵部尚書前任河南山東總督田文鏡

河南山東總督兼管河南巡撫印務王士德

署任河南南巡撫徐國璽

調任河南山東河道總督孫曾均

調任河南山東河道總督朱藻

河南山東河道總督白鍾山

調任河南山東副總河臣阿蘭泰

河南山東副總河臣劉勳

陞任提督河南學政臣吳應棻

提督河南學政臣鄒升恒

河南通志

提調

陞任河南布政使臣趙國麟

原任河南布政使臣徐聚倫

調任河南布政使臣刁承祖

陞任河南布政使臣盧焯

河南布政使臣劉章

陞任河南按察使臣陳世倌

陞任河南按察使臣盧焯

陞任河南按察使臣張鳴鈞

河南按察使臣繆孔設

分守開封河道管理通省糧驛鹽務臣

陞任河南管河道臣

分巡開歸陳許管河道臣

調任分巡彰衛懷三府兼管河北道臣孔傳

分巡彰衛懷三府兼管河北道臣馬駁

調任分巡南汝道臣

原任分巡南汝道臣

署任分巡南汝道臣

分理

原任開封府知府臣劉湘

陞任開封府知府臣安厚彩

署開封府陳州府知府臣張受長

河南通志

歸德府知府臣李閻楸

彰德府知府臣滿雲鵬

原任衛輝府知府臣王箴輿

衛輝府知府臣徐石麟

懷慶府知府臣陳恪

河南府知府臣劉兆幾

南陽府知府臣程秉禮

陞任汝寧府知府臣蔣國祥

汝寧府知府臣趙之坊

許州府知府臣董思恭

汝州知州臣趙霖

陸	任	光	州	知	州	臣	高
沈	州	知	州	臣	徐	立	御
陞	任	陝	州	知	州	臣	程世綬
陞	任	祥	符	縣	知	縣	臣
陞	任	祥	符	縣	知	縣	臣
署	祥	符	縣	知	縣	臣	張受長
署	祥	符	縣	知	縣	臣	吳謙銘
纂	修						
翰	林	院					
江	南	道					
浙	江	皋					
分	修						
陽	州	知	州	臣	梅	枚	
鹿	邑	縣	知	縣	臣	宋	鋒
溫	縣	知	縣	臣	顧	心	錯
內	鄉	縣	知	縣	臣	袁	倫
正	陽	縣	知	縣	臣	諸	齊
濟	縣	教	諭	臣	朱	超	
襄	城	縣	舉	人	臣	蔣	榮
洛	陽	縣	生	員	臣	張	雄
校	閱						

委	用	知	縣	臣	黃	亨	昌
委	用	知	縣	臣	包	恒	基
委	用	知	縣	臣	鄭	國	相
委	用	知	縣	臣	吳	昇	
委	用	知	縣	臣	趙	鑑	
委	用	知	縣	臣	范	元	灝
委	用	知	縣	臣	陳	世	明
委	用	知	縣	臣	賈	槐	
委	用	知	縣	臣	習	廷	直
監	刑						
陞	任	祥	符	縣	知	縣	臣
署	祥	符	縣	知	縣	臣	張受長
署	祥	符	縣	知	縣	臣	吳謙銘

河南通志目錄

卷之一

聖制

卷之二

輿圖

卷之三

沿革上 有表

卷之四

沿革下 有表

卷之五

星野 星野圖 神異錄

河南通志目錄

卷之六

疆域 形勢圖

卷之七

山川上

卷之八

山川下 關津橋梁附

卷之九

城池

卷之十

禮樂

兵制 滿洲營房附

卷之十二

河防一

卷之十三

河防二

河防政 自周定王起至元止

卷之十四

河防三 河防政 明

卷之十五

河防四 河防政 國朝

卷之十六

河南通志目錄

河防五 河防事宜 附黃河圖

卷之十七

水利上

卷之十八

水利中

卷之十九

水利下

卷之二十

封建

卷之二十一

田賦上

卷之二十二
田賦下
卷之二十三
戶口上
卷之二十四
戶口下
卷之二十五
漕運
卷之二十六
鹽課
卷之二十七
河南通志 目錄
郵傳
卷之二十八
風俗
卷之二十九
物產
卷之三十
職官一
卷之三十一
職官二
卷之三十二
職官三

三

卷之三十三
職官四
卷之三十四
職官五
卷之三十五
職官六
卷之三十六
職官七
卷之三十七
職官八
卷之三十八
河南通志 目錄
職官九
卷之三十九
職官十
卷之四十
公署
卷之四十一
倉庾
卷之四十二
學校上
卷之四十三
學校下
頁院書院雜學處學附

四

卷之四十四

選舉一 薦辟

卷之四十五

選舉二 進士

卷之四十六

選舉三 舉人 襲蔭 貢監

卷之四十七

選舉四 武進士 武舉 武勳 武襲

卷之四十八

祠祀

卷之四十九

河南通志 目錄

陵墓

卷之五十

寺觀

卷之五十一

古蹟上

卷之五十二

古蹟下

卷之五十三

帝王 后妃附

卷之五十四

名宦上

卷之五十五

名宦中

卷之五十六

名宦下

卷之五十七

人物一

卷之五十八

人物二

卷之五十九

人物三

卷之六十

河南通志 目錄

人物四

卷之六十一

理學

卷之六十二

儒林

卷之六十三

忠烈

卷之六十四

孝義

卷之六十五

文苑

六